

գում են առնում իրենց իսկ՝ դրամատէրների կողմից: Տակաւին նրանք չեն խօսում այն — առաւել եւս գորեղ — ընկերվարացման ու պետականացման մասին, որ իրագործւում է համադրծակցօրէն կազմակերպուած սպառողների եւ արտադրողների ձեռքով: Եւ եթէ Միացեալ Նահանգներում այդ հողի վրայ կազմակերպուած սպառողները դեռ եւս որոշ դեր չեն խաղում ու դրամատէրերի կողմից դրաւում են դէպի մասնատիրական ձեռնարկու-

թիւններ, Եւրոպայում, ընդհակառակը, բոլորովին տարբեր է պատկերը: Պրոֆ. Keynes զարմանալիօրէն չէ խօսում այդ մասին, այն ինչ չէնց Մեծ Բրիտանիայում է որ՝ համադրծակցօրէն կազմակերպուած սպառողները (յաճախօրդները) շատ աւելի մեծ չափերով են նպաստել ուսմկաւարացման եւ ընկերայնացման, քան որ արեւ են Անգլիական Դրամատունը, Լոնտոնի Նաւահանգիստը, ինչպէս նաեւ ամերիկեան դրամատէրերը, եւ այլն:

ԳԵՐՄԱՆ ՃԱՄԲՈՐԴ ՄՈՐԻՑ ՎԱԳՆԵՐ ԶԱՅԱՍՏԱՆՈՒՄ

Գրեց՝ ԱՐՏ. ԱՖԵՂԵԱՆ

II

Երեւանից յետոյ Վագներին — ինչպէս առհասարակ Հայաստան այցելող ամէն մի ճամբորդի — հետաքրքրութեան առարկան էջմիածինն է, ուր եւ գերման բնագէտ-ուղեւորը մեկնում է նոյն տարուան մայիս ամսի վերջերին:

Այգոտեղ եւս նրան ընկերակցում են ինչպէս հաշատուր Արովեան, այնպէս նաեւ գրեթէ 80-ամեայ գերմանացի բարոն Փոն Հալբերգ, դարձեալ Միւնխէնից: Այս վերջինն էլ ժամանակին ծանօթ է եղած որպէս ճամբորդել սիրող եւ աշխարհէ աշխարհ ման եկող մէկը, եւ սակայն ոչ թէ դիտական նպատակով, այլ պարզապէս հաճոյքի համար:

Պէտք է ասել, որ էջմիածինը շատ ծանր տպաւորութիւն է թողնում մեր ճամբորդի վերայ, թէ՛ արտաքինով եւ թէ՛ ներքին կենցաղով, որով Վագներ ինքզինքը իր սպասելիքների հանդէպ յուսախաբ է տեսնում:

«Ինչ էջմիածնի հողեւորականութեանն է վերաբերում, — ասում է նա, — ես վաղուց էի հրաժարուել նախապէս նրա մասին իմ ունեցած կարծիքից: Կ. Պոլսում, Թիֆլիսում եւ Հայաստանի մի մասում անցկացրածս միջոցին բաւականաչափ ծանօթացել էի հայ կղերին՝ իր տղիտութեան, արատների եւ տիմար անհամբերողութեան մէջ, որպէսզի նրան ամբողջ հոգովս արհամարհել կարենայի»:

Դա այն ժամանակն էր, երբ դեռ նոր էր, ընդամէնը մի քանի շաբաթ առաջ, տեղի ունեցել Ներսէս Աշտարակեցիի ընտրութիւնը (ապրիլ, 1843):

Եւ Վագներ մնում է զարմացած, թէ էջմիածին այցելած եւրոպացի հին ճամբորդները ինչպէս է որ լաւ տպաւորութիւն են ստացել այդ վանքից:

«Այն ժամանակները, — ասում է Վագներ, — երբ Tavernier (1665 թ.), Chardin (1672 թ.) եւ Tournefort այս հրշակաւոր վայրն են այցելել (17-րդ դարու երկրորդ կէսին), կամ այն է որ՝ այստեղ ամէն ինչ անսահմանօրէն աւելի լաւ ու ծաղկած վիճակի մէջ է եղել քան այժմ, եւ կամ այն է որ յիշեալ ճամբորդները խիստ չափազանցել են: Tavernier-ի այցելութեան միջոցին (1655) այս ճամբաներով դեռ երթեւելում էին տուտորական մեծ քարվաններ: Սրանք իրենց հետ բերում էին բարեկեցութիւն, ինչպէս նաեւ բազմաթիւ ուխտաւորներ, սրբանց թւում էլ շատ հարուստ հայ վաճառականներ: Վերջիններին նուէրներով էլ եկեղեցին մեծապէս հարստանում ու պայծառանում էր: Tavernier զարմացած է մնացել վանքի դանձերի վրայ, որոնց այն ժամանակները պարսիկները եւ տաճիկները ըստ երեւոյթի դեռ ձեռք տուած չեն եղել: Վանքը այն ժա-